


剖冰出鯉



新鐫類解官樣日記故事大全卷三

孝感類

孝親之行感天地鬼神感強暴感禽獸者也凡二十四款

○涌水出魚

東漢

姜詩人

事母至孝母好飲江水去舍六七

里詩子汲水溺死恐母痛念詭以爲子行學子假稱

外讀書以妻常泝流而汲之上取水而姑嗜魚膾又

不能獨食夫婦嘗力作供膾錢僱土而取以供母呼隣母共

之舍側忽有涌泉味猶江水每旦輒出雙鯉常以

供二母之膳後群盜過門縮首歛氣相戒曰不得

驚孝子之家

○涌泉出魚

五代

陸通人

性至孝母吳氏好食魚北土魚少

得之甚艱後宅側忽泉涌出而有魚得以供母時

人名爲孝魚泉通後爲大司寇

○泣竹笋生

吳

孟宗字子恭人

父早喪母老病篤冬月思笋

食宗往竹林中泣而告天須臾平地迸裂出笋數

莖持歸作羹母食之而病愈

○剖冰鯉出

晉王祥字休徵琅邪人早喪親繼母朱氏不慈祥愈恭謹順來母疾衣不解帶湯藥必親嘗母常欲生魚時天寒水凍祥解衣將剖冰求之忽冰解雙鯉躍出持之而歸母又思黃雀炙復有黃雀數十飛入其幕得以供母鄉里驚其孝感人卧致今肇慶府每水陳有

○董永備身

漢董永千乘人少失母獨養父家貧傭工于人父死

無以葬乃就主人貸錢一萬約曰後若無錢還當以身作奴及葬父畢還於路忽遇一婦人求為永妻同至主家主人令織絹三百疋放還夫婦乃織一月而完主驚遂放還行至舊相逢處婦辭永曰我天之織女因君至孝助君償債今不得久停雲霧四垂騰空而去今泰州有樂絲井焉

漢郭平家貧力孝親死不能葬遂賣身於富室為傭人確工也覓錢營墓取工錢以備葬鄉邦稱之舉孝廉官

至朝散大夫見漢書孝義傳并性理喪禮篇

○郭巨埋子

郭巨家貧養母妻生一子母嘗減食與之巨謂妻曰貧乏不能供給也共與埋子兒可再有母不可再得言母老不妻泣而從之巨遂掘坑三尺餘忽見黃金一釜金上有云天賜黃金郭巨孝子官不得奪人不得取巨父沒盡以家財與二弟而自貧乏之故巨孝慙動天地為

○感天雨錢

唐熊袞建陽人天性至孝為御史大夫是時例無俸給祿也惟立功則時有賞資唐末值黃巢之亂有此例公悉散之

部部下家無餘資為父喪不能葬晝夜號泣以孝感天雨錢三日然後能畢葬事時刺畫入于官時人稱之曰忠孝雨錢公

○感蠶復明

晉盛彥字子翁其母王氏失明目無彥也一日他出妻以蠶蠶炙而饋母母食以為美彥歸見之抱母痛哭絕而復甦復死而生遂逐出其妻後母目豁然復明莫不稱其孝感

○感遇藥藤

南朝解叔謙雁門人母有疾叔謙夜於庭中稽首祈
福叩頭也聞空中語云此病得丁公藤爲酒乃瘳
好訪無識者至宜都名地遙見山中一老伐木問其
所用曰此療風丁公藤也叔謙即伏地流涕具言
母病之由翁愴然與之并示以漬酒法教以浸叔
謙拜受視翁不見依法爲酒母病得愈

○感得石英

北朝梁彥光字修之安定人少有至性七歲時父篤
疾醫云得紫石英可愈彥光求之不得憂瘁不知

一眇爲憂若惟悴忽於園中見一物彥光不識持之
而歸医視之即紫石英也父病得瘳此皆孝感所致

○拾葚感盜

後漢蔡順字君仲汝南人少孤養母值王莽亂天下
大荒順拾桑葚桑子也赤黑二器盛之赤眉賊見而
問之順曰黑者奉親赤者自食黑甜而赤酸也賊知其孝
乃遺順米二斗牛蹄一隻

○拾菜感盜

後漢張禮沛國人孤養老母時歲荒拾菜歸遇賊欲

殺食之禮叩頭云家中老母朝未得食乞命歸家
少時供給即未就死賊遂放去禮弟張孝隔牆聞
之密自走賊所曰向者欲歸作羹者是吾兄也兄
養母辛苦羸瘦弟肥肉多願代兄命禮復至賊所
曰禮本許殺何得殺弟賊見二人慈孝皆不殺

○安母感盜

後漢趙咨東平人有孝行盜夜劫之咨恐母驚乃先
至門迎盜拜曰老母疾病須養家貧朝夕無儲積蓄
也乞少置衣糧之婦子之物一無所請妻之物

任盜盜皆慙曰孝子也所犯無狀于暴賢者非盜知
取去遂辭謝而去

○响母感盜

元蔡五九作亂賴祿孫汴州寧夏人負母挈妻入山避
盜盜至衆散走祿孫守母不去盜刃之祿孫以身
翼其母也泣曰寧殺我母傷吾母時母病渴覓
水不得覓取祿孫含唾响之以口吐沫盜相顧駭
嘆不忍害反取水與之有掠其妻去者衆責之曰
奈何辱孝子之婦仁宗元帝聞之特賜旌表

○感免馴擾

後漢蔡邕字伯喈陳留人性篤孝母滯病三年邕未

嘗解襟帶不寢寐者十旬母卒廬于塚側動靜以

禮有曰免馴擾其旁又木生連理遠近奇之多往

觀焉後邑仕漢遷尚書今戲文誣伯喈於不孝乃

說口流毒痛冤莫洗博古君子幸取正於斯焉或有格於冥冥也

○感鹿馴伏

宋褚無量字弘度杭州人性至孝喪母哀毀踰禮既

葬廬墓而居有群鹿馴伏不敢觸其墓松人以為

孝感

○孝子代父

梁吉玢父為武原鄉令名官為奸吏所誣坐罪當死

吏反誣其玢年十三搥登聞鼓敲手軍門鼓以乞代

父命替父死罪朝廷疑人教之使廷尉盛陳拷具廷尉

拷具玢堅不反乃宥其父罪不畏刑拷之威而

○孝女贖父

漢太倉令名官淳于公有罪當刑詔獄逮繫長安押

至淳于公無男有女五人當行罵曰生女不生男

緩急非有益言女不能其少女緹紫也悲泣隨至
 長安上書曰妾父為吏齊中皆稱其廉平今坐法
 當刑妾傷死者不可復生刑者不可復屬連雖欲
 改過亡繇既也妾願沒入為官婢以贖父罪使得
 自新書奏天子悲憐其意下令除肉刑古者男子
斷足女子犯法幽閉皆曰肉刑漢文帝感緹紫之言除去此刑後遂不用

○打虎奪父

楊香首陽人楊豐女也香嘗隨父穫粟田間收稻豐
 為虎所噬咬香年甫十四手無寸刃乃奮不顧身

但知有父而不知有虎勇請前請往搤持虎頸把
其虎亦糜然而逝去也父因得免香之孝如

○投江抱父

曹娥曹盱女也漢安初端午日父為巫祝主祀者泝
 江迎婆婆神江神在浙東上虞縣溺死不得尸娥年十四沿
 江號哭晝夜不絕聲者七日遂投江而死三日後
 抱父尸浮出上虞縣長度向名以礼葬焉元順宗
 封為靈孝夫人

○擊豹奪父

擊豹奪父

元王氏女父出耘舍旁遇豹爲所噬曳之升山父因大呼女識父聲驚起赴救將父所棄之鋤追擊豹腦而殺之其父遂得生返

○訴虎念母

大明朱泰家貧鬻薪養母一日入山遇虎負之而去泰厲声曰虎今食我獨恨老母無托耳虎忽棄泰于地急走不顧如人驅狀若有神使之也泰乃匍匐歸不能行也卿黨以其孝感名爲虎殘

○羨鳥助土

漢羨鳥縣有顏鳥者事親盡孝父亡貧無葬埋竭力負土爲墳群鳥啣土助之其吻皆傷吻口也流血悲鳴因以名縣爲羨鳥屬浙江今華府

○孝鷺奠母

唐大寶末長興縣邑人沈朝名家畜一母鷺育卯也而腸出將死其雛悲鳴不復食雛小鷺也母死咏敗薦覆之又啣芻食草列前若祭奠狀向天長吁數声而死沈氏異之函二鷺埋焉今呼爲孝鷺塚在縣東蔣灣鷺禽類也知生育之息而委曲盡孝以殉母如此可以知人而不如鳥乎予增出之用

以愧動物之靈者

孝念類

孝親之念生盡力死盡思名不沽身不恤者也凡二十四款

○子路負米

周仲由字子路

孔子家貧嘗食藜藿之菜野草為也

親負米百里外

負米在背不辭勞苦以供親也親歿之後南遊於

楚從車百乘積粟萬鍾重衾而坐列鼎而食粟祿也

得也富貴之事也乃嘆曰雖欲食藜藿為親負米可復得

乎孔子曰由也可謂生事盡力死事盡思者矣

○丁蘭刺木

漢

丁蘭河內人

少無父母不及奉養乃刺木為親像

事之如生儻人張淑妻從蘭妻借物蘭妻問箬杯

木像不許不以借焉張淑醉罵木像以杖敲其首

蘭自外歸見木像垂淚問其妻具以告之即奮擊

淑而告之官司郡縣嘉其孝通神明奏之詔旌其

門

○圖畫父像

隋

徐孝肅

汝郡人早孤不識父及長問父形貌於其

母因求畫工圖父之像置於家廟而享祭焉事母

數十年家人未嘗見其忿怒之色及母終茹蔬飲
水盛冬單衣毀瘠骨立瘠也見者無不悲痛

○夢見母像

唐劉師貞字文通彭城人早失母及長不記容狀至
忌辰母亡日也終日涕泣追慕廢寢食忽夢見母狀及
竟哀號乃刺木爲像敬事如生

○攀柏而號

魏王哀字偉元父像名也爲文帝司馬見殺哀痛父
非命無罪而殺未嘗西向坐魏在西方示不臣朝廷示不臣朝廷於墓

側旦夕常至墓拜跪扳柏悲號涕淚著樹樹枯母
畏雷每雷震輒到墓曰哀在此慰母讀詩至哀哀
父母生我劬勞未嘗不三復流涕門人受業者並
廢蓼莪之篇

○敗屋不葺

南宋何子平海虞人母喪八年不得管塋晝夜號哭
冬不衣絮夏不就涼日以米數合爲粥不進鹽菜
所居屋敗不蔽風日兄子伯興姪名欲與葺理子平
不肯曰我事情未申母喪未塋也天地一罪人耳屋何

宜覆會稽太守蔡興宗聞之甚加矜賞為營塚塋

○隣母輟食

晉王隱之字處嘯年七歲執父喪哀毀過禮每號泣人為之流涕與太常韓康伯隣居母賢明婦人也每聞其哭輟授筋輟止也為之悲泣謂康伯曰汝若居銓衡吏部用當舉此等人及康伯為吏部隱之遂登清級康伯因母敬其孝而薦之亦孝母敬賢之人也

○鄰里輟社

魏王修華陰人年七歲以社日母亡來歲里社修

感念哀甚追思痛絕而蘓鄰里為之輟社輟止也

感之而傷也

○捫瘡輒哭

宋寇準少時不修小節頗愛飛鷹走馬太夫人性嚴母也嘗不勝怒舉秤錘投之中足流血由是折屈節從學及貴母已亡每捫扪摸也其瘡痕瘡也輒泣

○飲酒不醉

宋蔡齊仁宗朝登第通判濟州日飲醇酎好酒也往往至醉太夫人年已高頗憂之一日友人諷詩曰聖

君思重龍頭選慈母年高鶴髮垂君寵母恩俱未
報酒如成病悔何追公起謝之自是非醺客不對
酒終身未嘗至醉念其母恩未報之言也

○聞雷輒泣

後漢蔡順母性畏雷身歿停喪在堂每聞雷震順
輒圍家而泣曰順在此順在此以慰母後東家失
火順不能移伏棺大哭寧自焚死家室毫不顧念
火乃飛于西家

○遇石不踐

宋

徐積楚州人

生三歲父羅城君卒

父爲羅城縣令

晨昏匍

匍床下求其父甚哀及長以父諱石也平生不用

石器遇石則避而不踐足踏也或曰天下遇石多矣

必避之爲孝他日山行奈何答曰吾豈固避之哉

遇之怵然傷吾心乃思吾親不忍加足其上也宋

神宗賜以帛米及卒賜謚節孝先生

○望雲而思

唐

狄仁傑字懷英人

太原

受并州法曹

理刑官

親在河

陽緹仁傑登太行山反顧望也見白雲孤飛謂左

右曰吾親舍其下瞻悵久之見雲移乃去瞻望也悵恨也

○調官不赴

宋范純仁字堯夫蘄州人事親至孝父母在調官皆不赴就親遣之辭曰純仁豈可重於祿食而輕去父母耶雖近亦不能朝夕在側遂終養焉

○辭官奉祖

後漢虞詡字升卿陳國武平人年十二通尚書早孤母孝養祖母縣舉順孫國相奇之欲授之官辭曰

祖母九十非詡不養乃止後祖母終辟為郎中鄧太后以詡有將帥之畧引見嘉德殿厚加賞賜永和初遷尚書令永和順帝年號尚書令官名

○陳情養祖

晉李密字令伯蜀人父早亡母更適人改嫁密年數歲思母成疾祖母劉氏躬自撫養祖母有疾密不解帶湯藥必先嘗蜀亡晉武帝徵為太子洗馬密以祖母年高無人奉養乃上表陳情辭不就戰帝嘉其誠款賜奴婢二人使郡縣供其祖母奉膳給

食

○棄官省父

南齊庾黔婁為孱陵令到縣未旬父易在家遘疾黔婁忽心驚率身流汗即日棄官歸家醫云欲知父瘥劇與否但嘗糞甜苦易泚痢婁輒取嘗之味轉甜滑心愈憂苦至夕每稽顙北辰祈以身代

皇明胡居仁餘事人事親孝父病劇居仁嘗糞味苦父病果愈狀元羅一峯先生友善之

○棄官尋母

棄官尋母



宋朱壽昌生七歲父守雍州名州生母劉氏爲嫡母所妬出嫁民間母子不相知者五十年壽昌行四方求之刺血寫榜飲食不御酒肉與人言輒流涕熙寧初神宗號棄官入秦與家人訣誓不見母不還行次桐州得焉母年七十餘矣迎歸而卒涕泣幾喪明雍守錢明逸以事聞朝也由是天下皆矜其孝焉

○求官報母

唐任敬臣字希古濟南人五歲喪母哀毀悲慟七歲

問其父英名也曰若何可以報母英曰揚名顯親可也乃立志從學博極群書舉孝廉授著作郎丁父憂而不勝哀勺飲不入口者三日服除遷官也後至弘文館學士

○顯忠報父

宋楊政字直夫臨安人父忠名也與金人戰死政甫七歲哀號如成人其母奇之曰孝於親必忠於君此兒其大吾門乎言必光其門也後移孝顯忠積官至環慶路安撫使詔封其母爲感義夫人母卒執喪盡

禮起復將兵拒金虜功效顯著官至太尉環慶路地名安撫使官名

○血漬父骨

唐王少玄父死於亂兵少玄甫十歲哀泣求尸時白骨覆壓死於亂者未知孰是辨父骨難或教之曰以子血漬之而滲者父骨也骨肉有殘少玄乃刺血瀝遍諸骨體無完膚始獲父骨而歸葬焉

○身代父命

元英宗名碩德八剌性至孝為太子父仁宗不豫病英

宗年十有七在宮憂形于色每夜焚香泣告於天請以身代父命誠發于衷真心及仁宗崩哀毀過禮素服寢於地日歔飲也一粥後入太廟至仁宗太室即流涕哀慟左右為之感慟

○徐積號墓

宋節孝先生徐積母終號慟嘔血絕而復蘇廬墓三年卧苦草薦也枕塊磚塊也縗經不去身縗經音崔迭重喪之服雪夜伏墓哀號問寒否事死如生也翰林呂溱造廬下問其號哭曰鬼神中夜聞此聲亦為公泣矣後

父亡曰考母亡曰妣几筵即今之靈

也冬以火溫衾夏揮扇去蚊蚋思其平日所嗜日

以供祀

○張孝殉親

大明張孝字有誠潭懷喪父下塋于太行山六十

里無人屈孝廬墓側朝夕悲號躬汲泉水日煮米

半盂強自沾活獨居四年卿達勸歸因焚其廬孝

復鑿土穴居數月因母疾始歸猶不食酒肉人勸

之孝曰先考誨我儒業讀書行道不及成立終夫

之恨也後領正德己卯歲貢始食肉又二年母卒

孝乃一哭而絕焉何太史翰林憐其子幼不能舉

喪言於時郡守出俸金易一塋于近郊遷考之柩

同母子三喪並塋之扁其門曰孝子之家

友悌類

兄弟同胞之親情如手足所當愛敬者也

○食果取小

後漢孔融字文舉

汝川四歲有恭讓之性與諸兄

共食梨束輒取小者人問其故問其何故答曰我

小兒法當取小者由是宗族奇之奇其幼而知禮也

○財產中分

漢薛包字孟嘗人汝南父娶後妻憎包分出之包日
 夜號泣不忍去至被毆杖不得已廬于舍外旦入
 而洒掃晨昏不廢親雖不慈而積歲餘父母慚而
 還之後父母亡弟子求分財異居包不能止乃中
 分其財中分平均也奴婢引其老者曰與我共事久若
 不能使若汝也田廬取其荒頓者曰吾少時所理意
 所忘也器物取其朽敗者曰我素所服食身口所
 安也弟子數破其產數音朔也包輒復賑給之安帝

聞其賢公車徵拜侍中名包稱疾告歸賜米千石
 歲問起居賜牛酒羊八十餘以壽終

○扶兄疾病

晉咸寧中大疫武時庾衮二兄俱亡次兄毗名復
 危殆瘠氣方熾盛也父母諸弟皆宿於外衮獨留不
 去諸父兄強之乃曰衮性不畏病遂親自扶持晝
 夜不眠十有餘旬疫勢既歇家人乃返歸也毗病得
 瘥以衮扶持也衮亦無恙病也父老咸曰異哉此子守
 人所不能守行人所不能行歲寒然後知松柏之

後凋始知疫癘不相染也

○為姊煮粥

唐李勣字懋公曹州人貴為僕射音亦辭其姊病勣親為燃火煮粥火焚其鬚姊曰僕妾多矣何自苦如此勣曰豈為無人耶願令姊年老勣亦老雖欲數為姊煮粥可得乎

○奉兄盡禮

唐崔孝偉博陵人奉兄孝芬盡恭順之禮坐食進退孝芬不命則不敢也順兄之命雞鳴而起旦溫顏

色一錢尺帛不入私房諸婦亦相親愛有無共之

○問兄飢寒

宋司馬光與兄康伯友愛尤篤相愛康伯年八十公事之如嚴父保之如嬰兒每食少頃則問曰得無飢乎天少冷則拊其背曰衣得無薄乎拊按摩也

○同被共寢

漢姜肱字伯淮彭城人兄弟四人友悌天性敬悌常共起屋同被而寢及各娶妻兄弟相戀不入房室不愛妻而愛兄弟也嘗遇盜兄弟爭死盜並釋之陳蕃荐之

朝辭不就徵

○長枕共寢

唐明皇

名隆基也

性素友愛近世帝王莫能及

指唐也

初即位為長枕大被與兄弟同寢殿中設五幄

如官室與諸主更處其中謂之五主帳焉

○同衣遞食

漢李充字大遼兄弟同衣遞食

同器傳食妻思分異

乃逐其妻徵為博士

儒官也即令學官

朝廷重其賢也

○吹火焚鬚

唐玄宗

即明

子兄薛王業有疾上親為煮藥回

吹火誤焚其鬚左右驚救之上曰但使王飲此

藥而愈鬚何足惜

○存姪棄子

晉右僕射鄧攸字伯道永嘉末沒于石勒

懷帝末年石勒

攸以牛馬負妻子而逃遇賊掠其牛馬步走擔

其兒及其姪緩度不能兩全乃曰吾弟早亡惟

此一息弟子理不可絕止應自棄我兒耳幸而得

存我後當有子妻泣而漫之棄其子存其姪卒以

無嗣其後綏服彼喪三年報之以父礼

○止母虐兄

晉王覽琅琊人王祥繼母朱氏子也母遇祥無道非

道覽年數歲見祥被毆杖輒涕泣抱持至於成童

之年每諫其母其母少止凶虐有丹奈結實果如

母命祥守之每風雨祥則抱樹而泣覽與祥俱見

同文虐使祥妻賢妻亦趨而共之妯娌同事朱患

之乃止覽以其夫之心為心而妯娌相恤尤難得者

母得無愧乎

○一門爭死

漢靈帝朝禁黨人小人指君朋黨張儉與孔褒有舊亡

命逃死抵褒不遇抵投褒弟融年十六匿之隱藏

事泄儉走收褒融送獄融曰藏儉者融也褒曰儉

未授我非弟之過吏問其母母曰家事任長妾當

坐罪一門爭死郡縣不能決乃上讞之奏正詔因

坐褒

○代弟赴賊

後漢趙孝沛國人天下亂人相食弟禮名為賊所獲

後漢趙孝沛國人天下亂人相食弟禮名為賊所獲

孝聞之即自縛請賊曰讀至弟久餓羸瘦不如孝
肥飽賊驚並放之

唐肅宗時王遇武進人與弟王遐為亂賊所執兄弟
爭代其死兄代弟死賊憐其友悌俱縱之放去

○射牛不問

隋吏部尚書牛弘弟弼好酒嘗醉射殺弘駕車牛
弘還宅其妻迎謂弘曰叔射殺牛弘無所恠問直
荅曰作脯坐定妻又曰叔忽射殺牛大是異事弘
曰已知之矣顏色自若讀書不輟不止

○感樹復居

隋田真兄弟三人分財各居堂前有一株紫荆花
甚茂兄弟共謀破而為三忽一夕樹即枯死真見
之驚謂兄弟曰木本同株當分根使憔悴况人兄
弟孔懷孔甚也懷思也言兄弟甚相思念而可離是人不如樹木
也兄弟相感而更合紫荆復華花開盛茂

隆師類

師傳道德之尊蒙同
君親所當隆厚者也

○待師如君

伯牛姓冉名耕魯受業孔子以德行去聲稱嘗有癩

患風疾孔子往問之伯牛以君禮尊其師遷卧于南牖下遷移也使孔子得以南面視也如君視臣之疾必面南也孔子不當因不入其室而自牖執其手與之永訣焉永訣別

○待師如親

子貢姓端木名賜衛人孔子弟子孔子歿弟子皆服心喪三年三羊之外門人治任平將歸行李也入揖于子貢相嚮而哭皆失聲然後歸子貢反築室于塲塲地獨居三年然歸如子廬墓三年而去

○孺子取履

漢張良字子房韓國人嘗遊下邳圯上圯謂有一老父至良所墮其履於橋下也天下顧謂良曰孺子之少下取履良愕然為去其老乃下取履跪進老父以足受之良大驚良以爲驚異也老父去里許復還曰孺子可教矣後五日平明與我期此其試何如也所教之誠良曰諾五日平明往老父已先在怒曰與老人期後何也去後五日早會其意良雞鳴而往老父又先在復怒曰後何也去後五日早來

又觀誠良乃半夜往有頃妙老人來喜曰孺子當
之堅否言如學求教者如是言如學求教者乃出一編曰讀是則為王者
師遂去見其書乃太公兵法王代紂武良習之智謀
之道下之王佐高祖破強楚取天下

○童子作粥

後漢陳國童子魏昭字德請於鄧泰曰經師易遇
通經李之人師難遭故好人之願在左右供給洒
掃弟子泰許之泰常不佳不快命昭作粥粥成進
泰泰即鄧泰呵之責之曰為去長去壯者作粥不加

意敬使不可食以杯擲地昭更為粥重平進復呵
之如是者三如老人之昭姿容無交泰乃曰吾始
見子之面而今而後知子心耳遂善之

○設帳授徒

後漢鄭玄字康成高密人事馬融融素驕貴坐高堂
設絳紗帳前授生徒後列女樂門生四百餘人玄
在門下三年不得見融使高業弟子傳授於玄玄
日夜尋誦不怠會融集諸生考論圖緯可圖像召
玄見於樓上玄因質諸疑泰玄以及歸融謂

門人曰鄭生今去吾道東矣謂傳其道於東方也
得見而自怠故終得實問疑蒙便已盡傳其道矣李記曰善孝者師逸而功倍即此之類夫

○設拜請問

宋呂榮公名希晚年名益重遠近皆師尊之陳忠肅公名元豐進士神宗為翰林點檢經由楊州見榮公公危坐堂上時設六拜請問必恭如新學小生如小學生也見榮公夫人亦盡敬致拜尊師盡敬如此

○端坐不語

宋焦千之字伯強河南人嚴毅方正呂申公名著今招

延之使教諸子諸生少有過差先生端坐召與相對終日竟夕竟盡也不與之語諸生恐懼畏伏先生方畧降辭色待諸生知過而先生方恕之也

○立雪不歸

宋御史游酢字定夫建安人與侍郎楊時字中立將樂人初見程伊川先生伊川瞑目而坐瞑閉也二子侍立不去既覺去聲謂二子曰賢輩尚在此乎今既晚且休及出門門外雪深三尺

○迎置執禮

宋彭汝礪字器資鄱陽人少事師倪夫隱廬天隱奇之後舉進士第一為保信軍節度使之憲臺迎天隱置千學執弟子札事之甚恭雖貴而不忘其師已長而猶如少年也

○以道自重

宋程頤字正叔號伊川哲宗召為崇政殿說書侍講正叔侍上甚莊上畏之時潞公為相去聲文也年九十矣對上甚恭或謂正叔曰君之倨傲視潞公之恭謙者以為未盡言正叔未盡正叔曰潞公大臣

事幼主不得不恭吾以布衣為上師傳以道自重所以不同也

○不敢邪心

宋徐積字仲車初從安定胡先生學頭容稍偏安定厲聲云大呼也頭容直積因思不獨頭容要直心亦要直也自此不敢有邪心焉

○不欺終身

宋賈黯字直儒中去聲狀元及第歸鄧州范文正公為守賈公謁文正曰某晚進偶得科第願受教文

正曰不欺二字可以終身行之賈公受教不忘每語人曰吾得范公二字一生用之不盡狀元終身受教如此

新鐫類解官樣日記故事大全卷三終



